



山川典第一百七十七卷

劍山部彙考

山海經之高梁山 秦伐蜀所過之石牛道 鍾會入蜀所踰之劍關

劍山本名高梁山又名梁山其山有二一爲大劍山一爲小劍山俱在今四川劍州城北二十餘里兩山相屬連互數百餘里高入雲表乃川之東門也形勢極爲險峻登者鑿石架閣乃得踰越唐李白所謂一夫守險萬夫莫開者此也

考

按山海經中山經岨山又東三百里曰高梁之山其上多璽其下多砥礪其木多桃枝鉤端有草焉狀如葵而赤華莢實白柎可以走馬

按四川總志山海經高梁山即今劍山也

按水經漾水注清水合白水又東南逕始

平僑郡南又東南逕小劍戍北西去大劍三十里連山絕嶮飛閣涌一作通衢故謂之劍閣也張載銘

曰一人守險萬夫趲趲信然故李特至劍閣而歎曰劉氏有如此地面而縛於人豈不奴才也

按方輿勝覽利州東路利州劍閣在綿谷葭萌縣歐陽詹棧道銘云斜根玉壘旁綴青泥揔庸蜀之

道塗統岐雍之康莊李白送友人王炎入蜀作劍閣賦云若明月出於劍閣兮與君兩鄉對酒而相憶 大劍城元和志云卽秦張儀司馬錯伐蜀所由路又謂之石牛道 小劍城在益昌縣西

南五十里去大劍城三十里連山險絕飛閣通劍故謂劍也 隆慶府梁山在普安縣西北四十

九里一名大劍山姜維拒鍾會於此 劍閣 飛仙閣俱在梁山 劍門關大劍山在劍門

縣亦名梁山又有小劍山在其西北三十里又有小劍故城在益昌縣西南五十里輿地廣記云山有小石門穿山通道六丈有餘昔秦伐蜀而不知道乃作五石牛以金置尾下言能糞金欲以遺蜀蜀王負力而貪乃令五丁開道引之秦因使張儀司馬錯引兵尋路滅蜀謂之石牛道至永平中司隸楊厥又鑿而廣之自縣東南經益昌戍又東南入劍州普安縣界卽鍾會伐蜀之路其地連山絕險又謂之劍閣道大劍雖號天險有阨塞可守崇墉之間徑路頗夷小劍則鑿石架閣有不容越太白所謂一夫當關萬夫莫開者是也又按二劍古不以關名實字記云諸葛亮相蜀鑿石駕空爲飛閣道以通行路見此立劍門縣以大劍山至此有隘束之路故曰劍門晉元康中李特隨流入入蜀至劍閣顧盼險阻曰劉禪有此地而面縛於人豈非庸才耶 龍巖在劍門縣西一里洞穴可坐

百許人雪齋小說云王建爲盜朝廷捕之急逃於劍門巨石穴中

劍門李德裕題云奇峰百仞

懸清眺出嵐煙迴若戈回日高疑劍倚天參差霞壁聳合沓翠屏連想是三刀夢森然在目前

玉女臺在大劍山絕頂上峭壁千仞下瞰古道人如蟻有小石刻云玉女煉丹之所

仙女觀

在梁山之頂李宗諤圖經云在縣東五十里北崖頂唐先天二年置道士焚修去觀僅一里渡仙女橋有燒丹臺巖畔有仙女影近代以來改爲禪院

按四川總志山川攷大劍山在劍州北二十五里一名梁山山海經高粱之山西接岷峨東引荆衡劉儀鳳劍閣記梁山之險蜀所恃以爲外戶峭壁中斷兩崖相嶽如門之闢如劍之直故又名劍門山 小劍山與大劍山相屬秦欲伐蜀而道不通乃作五石牛以金置其後言能糞金欲以遺蜀

蜀王負力而貪乃令五丁開道引之秦因滅蜀大劍雖號天險徑路頗夷小劍鑿石架閣險不容越按劍州志山川攷大劍山在州東北八十里一名梁山一名劍閣一名劍門其山峭壁中斷兩崖相對妃門山口爲劍門關其地連山接險實一州之形勝兩川之咽喉也 小劍山在大劍山西北

三十里

龍巖在劍門山洞口斜入甚邃巖有懸泉隨穴下注居民遇旱取水禱雨輒應有宋人

隸書龍巖二字於額

大劍溪發源大劍山自劍門關流出至誌公寺北折爲魚子溪至大倉嶺

入於黃沙江

小劍溪發源小劍山東過涼水溝瀑布崖至兩溪口與大劍水合流

古蹟攷石牛道在大劍山關口卽秦伐蜀路

李杜祠廢址在劍門關

思賢樓在劍門關宋

人畫晉張載唐李白杜甫柳宗元四賢像於其上

飛仙閣遺址在劍門關半里許梯石而上

劍山部總論

圖書編 大小劍門山總叙

蜀地之險甲於天下而劍閣之險尤甲於蜀蓋以羣峯劍插兩山如門信有所謂一夫當關萬夫莫敵者自晉唐以迄於今巨卿逸士登遊唱和篇牘累積有說有銘有詞有詩非止一家而所以形容其險者殆盡披閱諸公著述益增弔古探幽之想遂爲考訂復以廣其傳庶幾四方之士談劍門之險者一覽之餘則奇峯絕嶂宛乎在目矣雖然險固可稱而有天下國家者初不恃此以爲重蓋在德不在險也

劍山部藝文一

劍閣銘

晉張載

巖巖梁山積石峩峩遠屬荆衡近綴岷嶓南通邛嶺北達褒斜狹過彭碣高踰嵩華惟蜀之門作固作鎮是曰劍閣壁立于仞窮地之險極路之峻世濁則逆道清斯順閉由往漢開自有晉秦得百二併吞諸侯齊得十二田生獻籌矧茲狹隘土之外區一人荷戟萬夫趑趄形勝之地非親勿居昔在武侯中流而喜山河之固見屈吳起興實在德險亦難恃洞庭孟門二國不祀自古迄今天命匪易憑阻作昏鮮不敗績公孫既滅劉氏銜璧覆車之軌無或重跡勒銘山阿敢告梁益

劍閣銘

并序

唐柳宗元

惟蜀都重險多貨混同戎蠻人靡俗剽嗜爲寇亂皇帝元年八月師喪衆暴群疑不制妖孽扇行怙恃富強滔天阻兵攻陷他郡北包劍門憑負丘陵以張鷟猛堅利鋒鏑以拒大順謂雷霆之誅莫以加也惟梁守臣禮部尚書嚴公以國害爲私讎以天討爲己任推仁仗信不待司死而人致其命立義抗憤不待喋血而士一其心悉師出次祇候明詔凡諸侯之師必出於是儲備饗資取其豐穰乃遣前軍嚴秦奉揚王誅誕告南土十一月右師逾利州蹈寇地乘山斬虜以遏奔衝左師出於劍門

大壤頑鄙諭引刳脅蟻潰鼠駭險無以爲固收奪利地以須王師刳刳腎腸振拔根柢俾無以肆毒
用集我勳力鑿鼓一振元戎啟行取其渠魁以爲大戮由公忠勇憤悱授任堅明謀猷弘長用能啟
闢險阨夷爲大塗消沮害氣對乎天意帝用休嘉議功居首增秩師長進爲大藩宅是南服將校羣
吏願刊山石昭著公之功垂號無窮銘曰井絡坤垠時惟外區界山爲門環於蜀都叢險積貨混井
羌髻狂猾窺隙猜嘯呼憑據勢勝厚其兇徒皇帝之仁宥而不誅暴非德馴害及巴渝乃出王旅
乃咨列嶽牧臣司梁當其要東器備攸積糧糧是蓄人無增賦師以饒足喋血誓士元機在握分命
貔貅陳爲犄角右逾岷山左直劍門攻出九地上披重雲攀天蹈空夷視阻艱破裂層壘殄殲羣頑
內獲固圉外臨平原天兵徐驅卒乘暉暉大憝囚戮戎夏咸歡帝圖厥功惟梁是先開國進位南服
于藩邦之清夷人以完安銘功鑒亂永代是觀

劍門銘

李德裕

羣山西來波積雲屯地險所會斯爲蜀門層岑峻壁森若戈戟萬壑奔東雙飛高闕翠嶺中橫巖然
黛色樹茲雄屏以衛王國峰拔井幹溪回溝洫嚴守重扃如臨敵運有隆替地無險阨閉於昏頑

開於有德馬錯西戎蜀侯敗績艾出陰平禪亦來格畧在憲祖英爲四克始剪蜀妖遂清邛邛蠻夷軌道諸侯述職武臣銘之金石乃刻

大劍山記

宋王惲

大劍山在劍門縣亦名梁山又有小劍山在冀西北三十里又有小劍故城在益昌縣西南五十里輿地廣記山有小石門穿山通道六丈有餘昔秦伐蜀而不知道則作五石牛以金置尾下言能糞金欲以遺蜀蜀王負力而貪乃令五丁力士開道引之秦因使張儀司馬錯引兵尋路滅蜀謂之石牛道至永平中司隸楊厥又鑿而廣之自縣東南經益昌戍又東南入劍州普安縣界卽鍾會伐蜀之路其地連山絕險又謂之劍閣道大劍雖號天險有阨塞可守崇墉之間徑路頗夷小劍則鑿石架閣有不容越太白所謂一夫當關萬夫莫開者是也又按二劍古不以關名竇宇記云諸葛亮相蜀鑿石駕空爲飛閣道以通行路於此立劍門縣以大劍山至此有隘束之路故曰劍門晉元康中李特隨流入入蜀至劍閣顧盼險阻曰劉禪有此地面而縛於人豈非庸才耶

劍門山記

于邵

易曰艮爲山爲徑路爲門闕梁山之有劍閣也厥象備焉首以義眉足以荆巫前褻斜而後靈關橫互乎數千里之間孕川含陸以作全蜀趨蜀之路必由是山連峯接天上絕飛鳥極於此也峭壁中斷兩崖相嵌如門斯闢如劍斯植辨經術之可從於彼也於戲上古聖人之宅於九囿也必因山川之固爲設堡障以安之恐其自絕於一方也雖有高深之阻必啟行路通之是故天下書同文教同體梯航內向而禍亂不作觀乎劍閣見聖人之德爲偉夫抉連山開積阻剖磐石擗崇巒呀然洞裂斗絕千仞達迹奇伏神靈怪異謂之天造之資則有攻鑿之形矣謂之人力之用則無倚拔之勢矣豈五丁爲役歟浪浪茫茫不可得而詳也若乃迫隘之所容邇迴而後通翕巴漢之萬轍總岷嶓之重險一夫而禦之則三軍無所施其勇覆簣而防之則逸足不能踰其阻故漢高因爲以定楚項之難元宗幸焉以銷陽九之變蜀王無道惠文伐之公孫僭號光武滅之由是而言則劍門之險所以助順不以興亂所以輔中州不以限荒服苟戎夷議侵軼狂愚懷割據逆天反道必覆敗隨之皇帝諒陰之初歲在己未漁陽公作鎮之一紀也蠻夷之衆寡君長之情僞道途之險易攻守之利病皆暗得於胷中不差於毫髮矣而犬戎承我遏密犯我亭障以其控弦十萬與羣蠻之師出沉黎出大

井出隄道出仇池邊兵禦之不勝敵然有北關劍關而拒我後援西入蜀都而全其地時西州伯朝
觀京師寇出不虞羣情大駭朝廷固已知漁陽公舉無遺策仍發禁衛貔貅之旅俾受律于公公元
合廟謀分軍守隘且度其能來而不能取而不可迫命諸營堅壁勿得戰收軍入閣道示之以
無人賊見諸壁不可攻而劍門不設備果疑有伏莫敢前窺公曰彼悉銳而來謂所行無却今頓軍
數日其氣已衰且入我旣深多而不整可以擊之矣乃夜出精卒擣其前營羣兇震擾駭若隄潰棄
其矛甲者十有四五顛於坑谷者不可勝計公命緩逐勿遏其歸旣而又破之於龍安不二旬緣邊
千里之寇悉燒營遁去危邦載合天府載寧州閭以出溺相存父子以厥初相歡自蕃戎爲梗未有
若茲歲之甚惟中權制勝未有若是役之大天子聞而嘉之焉卽下詔書勞之略曰微公戮力王室
蜀其左衽矣德音褻倚也如此於戲仁者由劍門以之爲福不仁者由劍門以之生禍獨漁陽公之
克戎於是也配乾功之可久與坤德而同順革戎心於永代揚天聲於無極昭昭焉難乎其與京矣
昔班孟堅勒銘燕然紀勳業夫燕然無環異之跡徒以書其片石不見錄載然人到於今稱之
而劍門并絡垂芒坤維蘊靈漁陽得其形便輝灼藩翰語乎山則有畫象之奧語乎人則有蓋代之

古今圖書集成
續而頌聲不著於燕然英名不加於寶耿抑當時之所取而吾黨之所病者予剖符列郡祇服元侯耳目所得稱傳罕備雖言之不逮其可已乎是用纂述爲劍門記

劍山部藝文二詩

幸蜀西至劍門

唐元宗

劍閣橫雲峻鑿與出狩迴翠屏千仞合丹嶂五丁開灌木縈旗轉仙雲拂馬來乘時方在德嗟爾勒銘才

入劍門作寄杜楊二郎中時二公並爲杜元帥判官

岑參

不知造化初此山誰開坼雙崖倚天立萬仞從地劈雲飛不到頂鳥去難過壁速駕畏巖傾單行愁路窄平明地仍黑亭午日暫赤凜凜三伏寒巉巉五丁迹與時忽開閉作固或順逆磅礴跨岷嶓蟠限蠻貊星當觜參分地處西南僻陡覺煙景殊杳將華夏隔劉氏昔顛覆公孫曾敗績始知德不修恃此險何益相公總師旅遠近罷金革杜母來何遲蜀人應更惜暫回丹青慮少用開濟策二友華省郎俱爲幕中客良籌佐戎律精理皆碩畫高文出詩騷奧學窮討蹟聖朝無外戶寶宇被德澤

四海今一家徒然劍門石

劍門

杜甫

惟天有設險劍門天下壯連山抱西南石角皆北向兩崖崇墉倚刻畫城郭狀一夫怒臨關百萬不可傍珠玉走中原岷峨氣悽愴三皇五帝前鷄犬莫相放後王尙柔遠職貢道已喪至今英雄人高視見霸王并吞與割據極力不相讓吾將罪真宰意欲鐘疊嶂恐此復偶然臨風默惆悵

飛僊閣

前人

土門山行窄微徑緣秋毫棧雲闌千峻梯石結構牢萬壑敲疎林積陰帶奔濤寒日外澹泊長風中怒號歇鞍在地底始覺所歷高往來雜坐臥人馬同疲勞浮生有定分飢飽豈可逃歎息謂妻子我何隨汝曹

劍山部選句

唐陳宇送許中唐詩云劍門當石隘棧道入雲危

李白巡南京歌胡塵輕拂建章臺聖主西巡

蜀道來劍壁門高五千丈石爲樓閣九天開

杜光庭劍門詩誰運乾坤陶冶功鑄爲雙劍倚蒼

穹題詩曾駐三天駕礙日長含八海風

宋楊日嚴劍關詩倚天雙劍峯巒峻控蜀三刀郡府雄

方輿勝覽肅奉渙綸出臨坤戶

又

五百餘里之石穴萬夫莫當之劍門

又

環數千里而行者側立縱

百萬衆而誰其敢當

又

因石爲關正欲守關於坤軸平戎有劍豈徒倚劍於天津

又

守當要地是爲

雙劍之門體若大邦式應三刀之夢

又

所謂一夫當關而萬夫莫開何必三里爲城而七里之郭

劍山部紀事

魏志鍾會傳鍾會字士季太傅繇小子也景元三年冬以會爲鎮西將軍四年詔統兵十餘萬衆分從斜谷略谷入蜀破關城蜀姜維自沓中還至陰平合集士衆欲赴關城未到聞其已破退趣白水與蜀將張翼廖化等合守劍閣拒會鄧艾追姜維到陰平進軍前向白水與會合會遣將軍田章等從劍閣西徑出江由未至百里章先破蜀伏兵三校艾使章先發遂長驅而前會與諸葛緒軍向劍閣會欲專軍勢密白緒畏懦不進檻車徵還軍悉屬會進攻劍閣不克引退蜀軍保險拒守艾遂至綿竹大戰斬諸葛瞻維等聞瞻已破率其衆東入於巴

傳信記上幸蜀回車駕次劍門門左右巖壁峭絕上謂侍臣曰劍門天險若此自古及今敗亡相繼

豈非在德不在險耶因駐驛題詩曰劍閣橫雲峻鑾輿出狩回翠屏千仞合丹嶂五丁開灌木繁旗轉仙雲拂馬來乘時方在德嗟爾勒銘才其詩至德二年曹安郡太守賈深勒於石壁今存焉

劍山部雜錄

方輿勝覽向韜議云劍門天險一夫荷戈萬夫莫當趙季良語僞蜀王孟知祥乞守劍門曰若衍兵守劍門大將雖未至吾無內顧憂

巫山部彙考

川東之巫山

巫山在今四川夔州府巫山縣城南隔江一里其山有十二峰一名望霞一名松巒一名朝雲一名翠屏一名集仙一名聚鶴一名淨壇一名起雲一名上昇一名飛鳳一名登龍一名聖泉森立雲外秀美異常而大江逕過其下兩山相夾飛流湍急又接連諸山綿亙七百餘里昔人所謂巴東三峽巫峽長良不誣也

考

按水經江水又東逕巫峽

注

杜宇所鑿以通江水也郭仲產云按地理志巫山在縣西南而今縣東

有巫山將郡縣居治無恆故也

江水歷峽東逕新崩灘

注

新崩灘下十餘里有大巫山非唯三

峽所無乃當抗峯岷嶷偕嶺衡疑其翼附羣山並縈青雲更就霄漢辨其優劣耳神血塗

山海經所作孟塗

處山海經曰夏后啟之臣血塗是司神于巴巴人訟于血塗之所其衣有血者執之是請生居山上

在丹山西郭景純云丹山在丹陽屬巴丹山西卽巫山者也又帝女居焉宋玉所謂天帝之季女名

曰瑤姬未行而亡封於巫山之臺精魂爲草實爲靈芝所謂巫山之女高唐之姬旦爲行雲暮爲行

雨朝朝暮暮陽臺之下旦早視之果如其言故爲立廟號朝雲焉其間首尾一百六十里謂之巫峽

蓋因山爲名也自三峽七百里中兩岸連山略無闕處重巖疊嶂隱天蔽日自非停午夜分不見曦

月至於夏水襄陵沿泝阻絕王命急宣有時朝發白帝暮到江陵其間千二百里雖乘奔御風不爲

疾也春冬之時則素湍淪淪迴清倒影絕巘多生檉柏懸泉瀑布飛漱其間清峻榮茂良多趣味

舊本

作每至晴初霜旦林寒澗肅常有高猿長嘯屢引淒異

世說注引荊州記作屬引清遠

空谷傳響哀轉久絕故漁者

歌曰巴東三峽巫峽長猿鳴三聲淚沾裳

按地理通釋十道山川攷山南名山巫峽在夔州巫山縣西楚置巫郡荊州記信陵縣西二十里有巫峽注建平郡信陵縣今歸州巴東縣通典晉置建平郡於巫山縣

按方輿勝覽夔州路夔州巫山有十二峯曰望霞翠屏朝雲松巒集仙聚鶴淨壇上昇起雲飛鳳登龍聖泉其下卽巫山神女廟 巫峽在巫山縣之西酈道元水經注云杜宇所鑿以通江水圖經云此山當抗峯岷嶷借嶺衡疑凝結翼附並出青雲謂之巫山有十二峯上有神女廟陽雲臺高一百二十丈 三峽謂西峽巫峽歸峽盛弘之荊州記云三峽七百里中兩岸連山略無闕處重岩疊嶂隱天蔽日自非亭午及夜分不見日月至於夏水襄陵洄澍阻絕或王命急宣有時朝發白帝暮至江陵其間一千二百里雖乘奔御風不爲疾也

按四川總志山川攷巫山在巫山縣南形如巫字故名 巫峽在巫山縣治東三十里

按夔州府志山川攷巫山在巫山縣治南隔江一里大江之濱形如巫字 巫峽在治東四十里

與西陵歸峽並稱三峽綿亙七百餘里兩岸多猿 巫山十二峯在治東三十里江之北沿峽一

百六十里屹列江干所謂削出芙蓉也 望霞峯其峯特出霞彩暉映 松巒峯古松蒼鬱

朝雲峯高峙每日出常有彩雲

翠屏峯聳翠如屏

集仙峯峯頂石列如仙相聚

聚鶴

峯上有松杉夜多鶴聚

淨壇峯其石秀淨

起雲峯其峯常有雲氣騰起

上昇峯其峯

突兀勢若飛昇

飛鳳峯形如鳳翔

登龍峯其形蜿蜒如龍騰霄漢

聖泉峯峯頂有泉

清冽

巫山部藝文一

巫山賦

宋蘇轍

過瞿唐之長江兮蔚巫山之嵯峨雲孤興其勃勃兮北風慨其揚波山嶽崒而直上兮越至神女之所家峰連屬以十二兮其九可見而三不知蹊遂蕪滅而不可陟兮元猿黃鵠四顧而鳴悲覽松柏之青青兮紛其若江上之菰蒲維其大之不可知兮有接雲之修柯蔓草蒙茸以翳兮飛泉潔清而無沙亭亭孤峯其下藂木交錯而不明兮若有美人慘然而長嗟斂手危立以右顧兮舒目遠望悅然而有所懷儼戢戢其有禮兮盛服寂寞而無譁臨萬仞之絕險兮獨立千載而不下追懷楚襄之放意肆志兮泝江千里而遠來離國去俗兮徘徊而不能歸悲神女之不可以朝求而夕見兮想遊